

Jarraporto por Grupo Esperantista de Trondheim, 2016

Okazintaĵoj

Klubaj kunvenoj

Dum 2016 okazis entute 14 ordinaraj klubkunvenoj, 1 jarkunveno, 2 festoj (Ĝardena kaj Zamenhofa) kaj neniu estrara kunveno, kvankam la estraro tamen komunikis.

En la ordinaraj klubkunvenoj partoprenis inter 5 kaj 9 membroj, meznombre 6,4 (la mezaj nombroj por la jaroj 2006–2015 estis respektive: iom malpli ol 7; inter 6 kaj 7; 6,6; 6,5; 7,1; 6,9; 6,9; 7,4; 6,8; kaj 6,6 en 2015). Ĉiuj kunvenoj kaj festoj okazis hejme ĉe membroj.

Por la plimulto el ordinaraj klubkunvenoj oni preparis temojn, pri kiuj respondecis specifaj personoj, ĉu estis prelegoj, prezentoj aŭ io alia. Dume aŭ poste okazis konversacioj pri la temoj, kaj ĉiam okazis ankaŭ kafklaĉo post (parte eĉ dum) la oficiala programo. Tiel la kunvenoj ebligis al membroj praktiki la lingvon. Komence de pluraj el la kunvenoj okazis vortaraj kvaronhoroj (vd. sube). La ordinaraj klubkunvenoj estis studkunvenoj kaj do subvenciitaj de la ŝtato pere de la studorganizo *Næring og samfunn*. Temoj en 2016 estis:

- 26.1.: *Ĉiu rakontu pri io.*
- 9.2.: *La Galilea termometro; temperaturaj mezuroj.* Herman Ranes klarigis.
- 8.3.: *Ĉiuj rakontu pri io.*
- 5.4.: *Vortara kunveno.* Ni trovis norvegajn vortojn kiuj mankis en nia datumbazo.
- 19.4.: *La printempa ĝardeno.* Bergny Dahl montris kaj klarigis.
- 3.5.: *Pondusa kunveno.* Ni provlegis tradukaĵojn de Judith P. Abrahamsen.
- 24.5.: *Ĉiuj rakontas pri io.*
- 7.6.: *La printempa ĝardeno.* Torstein Kvakland montris kaj klarigis.
- 13.9.: *Ĉiuj rakontu ion.*
- 28.9.: *La Universala Kongreso en Nitro.* Herman Ranes, Torstein Kvakland kaj Christian Fossen rakontis kaj montris bildojn.
- 26.10.: *Pondusa kunveno.* Kiel supre.
- 9.11.: *Vortara laboro.* Kiel supre.
- 23.11.: *Ĉiuj rakontas pri io.*
- 7.12.: *Vojaĝo al Vjetnamio.* Ulf Stenhaug rakontis kaj montris bildojn.

Varbado, kursado kaj informado

Ne okazis kursoj en 2016, ne okazis aktiva varbado, kaj ne estis mencioj de GET en la gazetaro.

Membrostatistiko

Fine de 2016 GET havis 16 membrojn (por la jaroj 2006–2015 la nombroj estis respektive: 25, 23, 21, 20, 19, 17, 15, 16, 15, kaj 16 en 2015). En oktobro forpasis nia inta sed multjara membro Tomas Jansson, kiu jam transloĝiĝis al Svedio.

Partopreno en naciaj aranĝoj

Entute 4 GET-anoj partoprenis la seminarion de NEL la 19an de novembro. Ĝi okazis dise tra la lando kaj mondo per interreta vidkonferenco.

Partopreno en internaciaj aranĝoj

Tri GET-anoj partoprenis la Universalan Kongreson en Nitro: Christian Fossen, Torstein Kvakland kaj Herman Ranes.

Vortara laboro

Jørgen G. Bosoni respondecas pri la vortara projekto. Komence de pluraj klubkunvenoj okazis vortara kvaronhoro, en praktiko ofte duonhoro, dum kiuj la membroj uzis poŝvortarojn (la norvegan–anglan parton de ambaŭdirekta vortaro, plurekzemplere) por trovi norvegajn vortojn kiuj mankas en nia vortara datumbazo. Okazis ankaŭ propraj vortaraj klubkunvenoj. Ni finis tiun parton de la vortara laboro la 23an de novembro.

Interreta aktivado

GET havas retpaĝon kun la kunvenprogramo. Jardar Eggesbø Abrahamsen redaktis kaj tiun paĝon kaj la paĝaron de NEL. Asistis Judith Parelle Abrahamsen. Jardar ankaŭ administris la jenajn retpoŝtajn listojn: GET-lista, NEL-diskut kaj NEL-inform. Judith kunadministris la paĝaron de NJE. Je la jarfino membris 19 en la retpoŝta listo de GET (por la jaroj 2006–2015 estis respektive 24, 26, 25, 25, 23, 23, 21, 22, 22, kaj 20 en 2015). Ne ĉiuj membras en la klubo. Dum 2016 sendiĝis 38 mesaĝoj per la listo (2015: 56; 2014: 45; 2013: 96; 2012: 68).

Biblioteko kaj aliaj libroj

La kluba biblioteko ankoraŭ restas en skatoloj hejme ĉe Herman Raner. Oni ne registris pruntedonojn en 2016.

Aldone al sia biblioteko la klubo posedas kelkajn librojn vendeblajn, kiujn la klubo transprenis donace de NEL en 2008 okaze de la malfondo de Eldonejo Esperanto en 2007. Dum la jaroj, libroj el tiu valizo disdonaciĝis kiel premioj dum la Zamenhofaj festoj, kie kutime okazas lotumado. En 2016 Arne Olav Mjøen transdonis eĉ plian skatolon da libroj origine de la eldonejo. Ankaŭ tiuj estas vendeblaj kaj ne bibliotekaj.

Arĥivo

La kluba arĥivo restas hejme ĉe Torstein Kvakland kaj Christian Fossen.

Pasporta servo kaj aliaj vizitoj

Gastigantoj de Pasporta Servo en Trondheim estas Ulf Stenhaug kaj Torstein Kvakland/Christian Fossen. Ili nek gastigis nek gastis dum 2016.

Ekstera mono

Jam en 2009 GET registriĝis en Enhetregisteret kaj Frivillighetsregisteret en Brønnøysund, kaj ricevis la organizan numeron 994 914 146. Ni ankaŭ membriĝis en Grasrotandelen, kaj ekrajtis ricevi monon de Norsk Tipping se iliaj klientoj volas. Dum 2016 Norsk Tipping pagis al la klubo 2373,50 kronojn (2182,75 en 2015). La klubo ankaŭ membras en *Studieforbundet næring og samfunn*, kiu dum 2016 pagis al la klubo 1000 kronojn (1360 en 2015).

Postenoj

Estraro dum 2016, elektita de la Jarkunveno la 23an de februaro 2016

Prezidanto: Torstein Kvakland (reelekto)

Kasisto: Ulf Stenhaug (reelekto)

Sekretario: Jardar Eggesbø Abrahamsen (reelekto)

Estrarano: Herman Raner (reelekto)

Anstataŭanto: Christian Fossen (reelekto)

Aliaj enklubaj postenoj, elektitaj de la Jarkunveno la 23an de februaro 2016

Revizoro: Jørgen Åldstedt (reelekto)
Kunordiganto de la vortara projekto: Jørgen G. Bosoni (reelekto)
Responsulo pri la biblioteko: Herman Ranes (reelekto)
Responsulo pri la arĥivo: Torstein Kvakland (reelekto)
Elekta komitato: Jørgen G. Bosoni (reelekto) kaj Kjell Heggvold Ullestad (reelekto)

Aliaj enklubaj postenoj de klubanoj dum 2016

Redakcio de la nova vortaro: Jardar Eggesbø Abrahamsen, Jørgen G. Bosoni, Herman Ranes kaj Kjell Heggvold Ullestad.

Estraraj postenoj de klubanoj en NEL en 2016

Vicprezidanto de NEL: Jardar Eggesbø Abrahamsen
Sekretario de NEL: Ulf Chr. Lunde
Estrarano de NEL: Herman Ranes
Vicrevizoro de NEL: Jørgen Åldstedt
Revizoro de NEL: Ulf Stenhaug

Estrarano de Legaco Uhlen: Torstein Kvakland
Estrarano de Legaco Uhlen: Ulf Stenhaug
Persona anstataŭanto por Torstein Kvakland en Legaco Uhlen: Judith Parelle Abrahamsen

Aliaj eksterklubaj estraraj postenoj de klubanoj dum 2016

Prezidanto de Akademia Esperanto-Forumo: Jardar Eggesbø Abrahamsen
Estraranoj de Akademia Esperanto-Forumo: Herman Ranes, Kjell Heggvold Ullestad
Revizoro de NJE: Ulf Stenhaug

Aliaj eksterklubaj postenoj de klubanoj dum 2016

Domkomisionanoj por NEL: Torstein Kvakland, anstataŭanto Herman Ranes
Komisionanoj pri novaj laborplano kaj strategia plano de NEL: Torstein Kvakland kaj Judith Parelle Abrahamsen
Redaktoro de la TTT-paĝaro de NEL: Jardar Eggesbø Abrahamsen
Gazetara Servo de NEL: Torstein Kvakland
Komisiono de NEL pri radio kaj televido: Christian Fossen
Komitatano A de UEA: Torstein Kvakland
Kunadministranto de la TTT-paĝaroj de NEL kaj NJE: Judith Parelle Abrahamsen
Delegito de UEA: Ulf Stenhaug
Vicdelegito de UEA: Torstein Kvakland
Fakdelegitoj de UEA: Ulf Chr. Lunde (komputiko, loĝas en Os) kaj Jardar E. Abrahamsen (lingvistiko)
Grafikisto de *Norvega Esperantisto*: Judith P. Abrahamsen (muntas nur la frontpaĝon kaj *Inter Ni Dirite*)

Raportis Jardar Eggesbø Abrahamsen.
Aprobata de la Jarkunveno de GET la 27an de februaro 2017.